



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 102. Hujus Concilii decreta circa disciplinam.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

stantibus auxilium implorent, quo facilius nos, ejus ope adjuti, in conspectu animi habentes exemplum gravissimæ, & sanctissimæ disciplinæ, quæcunque ad eam restituendam accommodata, necessariaque sunt, ea sine ullis hæsitacionibus decernamus, tum ad Dei ipsius Gloriam, tum ad eorum, qui in nostra fide, curaque conquiescunt, salutem.

Pariter iisdem Episcopis injunxit, ut quilibet ex sua Diæcesi deputaret duos Ecclesiasticos doctrina, morumque integritate conspicuos, qui in cunctos abusus, & corruptelas inquirant, easque Concilii tempore coram ipso denuntient: idem quoque a Synodicis testibus fieri voluit, ut per ipsorum inquisitiones de cujuslibet Diæcesis statu certior fieret, & decreta, per quæ ejusmodi abusibus remedium opponatur, sanciri valeant: insuper præcepit, ut populus die Dominica ante Concilii celebrationem sacram Synaxin sumeret, atque Ecclesiam Metropolitanam accedens pro felici successu Deum exoraret, quem in finem in Parochiis publicas supplicationes institui jussit.

§. CII.

Hujus Concilii decreta circa disciplinam.

Hujus

Sæcul. XVI.
A.C. 1569

Sæcul. XVI.
A.C. 1669.

Labb. Col-
lect. tom. 15.
p. 338.

Hujus synodi acta præprimis comple-
ctuntur orationem ad Concilii ini-
tium ab hoc Sancto Archiepiscopo pro-
nuntiatam: postea autem tres tituli
seu capita recitabantur, quorum pri-
mum viginti novem decreta continet,
exponitque ea, quæ ad conservandam
fidem, Sacramentorum administratio-
nem, ceterasque Parochorum functio-
nes necessaria sunt, ac quidem in pri-
mo decreto præcipitur, ut quilibet hæ-
reticos, aut de hæresi suspectos, vel
ipso Episcopo, vel hæreticæ pravitate
Inquirenti denuntiet. II. Episcopis in-
jungitur, ut quilibet Episcopus Cate-
chismum imprimi curet, Parochi vero
adolescentes fidei rudimentis imbuant.
III. mandatur, ut quædam institueren-
tur sodalitates, quæ crimen Blasphæ-
miæ eradicare nitantur. IV. prohibe-
tur, ne in ejusmodi sodalitatibus quic-
quam fiat, quod doctrinæ fidei, & pi-
tati Christianæ repugnat. V. Episcopi
jubentur sollicitè Pontificum Bullas pro-
mulgare, earumque librum conficere.
VI. præscribitur Episcopo, quod in suis
visitationibus duntaxat idoneos Sacer-
dotes adhibeat. VII. injungitur Epi-
scopo, ut nullum munus, Benedictio-
nem, vel consecrationem perficiat, quin
illius mysterii vim, & rationem pie ex-
plicet. VIII. insinuatur Episcopo, qua-
tenus

Sæcul. XVI.
A. C 1569.

tenus curet, ut iis, quibus cura Pastoralis comittitur, ad vitam honeste sustentandam debiti redditus attribuantur.

IX. Episcopis inculcatur, ut librum habeant, in quo descriptæ sint Parochiæ, ad quas oleum, aut chrisma transmittendum est, hæc vero non ab aliis deferantur, nisi ab iis, qui sacris Ordinibus initiati sunt. X. Præcipitur, ut Patrini, & Matrinxæ, seu Compatres eligantur morum probitate insignes, ac in fidei rudimentis instructi. XI. Permittitur Parocho, ut eam Sanctissimæ Eucharistiæ particulam solum deferat, quam æger percepturus est, ita tamen, ut tunc, cum inde Parochus redit, nec superpelliceo, nec stola indutus sit, neque tintinnabulum pulsetur, neque umbella adhibeatur, extinctis etiam luminibus, nec palam vasculum deferatur.

XII. Agitur de communione Pascali, ac quibusnam sit administranda discernitur. XIII. imponitur Episcopo, ut eos, qui Paschæ tempore Eucharistiæ Sacramentum non sumpserint, Ecclesiæ ingressu, & Ecclesiastica sepultura interdictos, in propria parochiali Ecclesia denunciari jubeat,

XIV. Monetur Episcopus, ut de vita, & moribus mendicorum vagantium diligenter inquirat, in itaque alia ratione

Hist. Eccles. Tom. XLVIII. E e ne

Sæcul. XVI. ne curet omnino, ut sacro Paschæ tempore illi communicent.
A.C. 1569.

XV. Jubetur Parochus, ut tunc, dum vel Sacrosanctam Eucharistiam, vel sanctum extremæ Unctionis oleum ad ægrum defert, in via septem psalmos ex animo, pieque dicat, vel alias religiosas preces.

XVI. Interdicitur, ne oratio, quæ quadraginta horarum dicitur, ulla in Ecclesia extra Ordinem constituatur, sine Episcopi concessu.

XVII. Innovatur constitutio Pii V. qui propositis excommunicationis, aliisque pænis jussit, medicos ab ægrotantis curatione post triduum abstinere, nisi eo tridui spatio de peccatis suis confessus ille sit.

XVIII. Interdicitur publicis Usurariis sepultura Ecclesiastica, nisi evidenter constet, quod illis, a quibus usuras exegerunt, satisfecerint.

XIX. Omnis usurarius contractus condemnatur, ac rejicitur.

XX. Parochis injungitur, ut eos, quibus ob infirmam valetudinem, aut ob aliam justam causam permissum erit, quadragesimæ diebus carne, aut aliis eo tempore vetitis cibis vesci, pie admoneant, ne publice, neve etiam cum domesticis, sed separatim in remotiori

tiori ædium loco ejus generis cibum ^{Sæcul XVI.}
capiant. ^{A.C.1569.}

XXI. Agitur de excommunicatis, atque Episcopus jubetur, quatenus eorum nomen palam in omnibus Ecclesiis denuntiari, atque ad Cathedralis Ecclesiæ valvas affigi curet, ne alii eorum commercio, & consuetudine utantur, donec Episcopus eos a censura absolutos declaraverit.

XXII. Datur adhortatio, ut per jejunia, publicasque preces Dei auxilium impleretur, quatenus Episcopus in eorum delectu, quibus ordines confert, Spiritus Sancti lumine illustretur, ut illi, quibus conferuntur, in vitæ sanctitate, doctrina, religiosisque virtutibus proficiant.

XXIII. Executio Decreti Concilii Tridentini demandatur, vi cujus Episcopus prohibetur, ne Clericum regularem, neve sæcularem, qui regularium more in communi vitæ disciplina sit, beneficiumque Ecclesiasticum non habeat, ordinibus sacris adscribat, nisi a Superiore fidem ille attulerit, se religionis, cui adscriptus est, professionem confecisse.

XXIV. Præscribitur, ut quicumque aliquem Ecclesiasticum ordinem suscipit, is, prout Tridentino Concilio iussus est, certæ Ecclesiæ adscribatur, in

Sæcul. XVI
A C. 1569.

qua functiones, quas ei Episcopus præscripserit, obeat.

XXV. Episcopus prohibere jubetur, ne animarum curatores, qui in hæreticorum finibus, vel in locis finitimis habitant, ubi unicuique liberum est, publice, & impune hæreticorum more vivere, matrimonii, quod inter parochiæ suæ, & illorum locorum incolas contrahendum est, secundam denuntiationem faciant, neque eos matrimonii jungant, aut denuntiationum, quæ pro matrimonio celebrando factæ erunt, fidem, ac testimonium ad ea ipsa loca, ubi illud ineundum est, mittant; nisi prius ejus, qui in locis hæreticorum, aut hæresis nomine suspectis habitat, nomen, & cognomen Episcopo denuntiarint.

XXVI. Dantur regulæ, vi quarum vagorum, vel fixum domicilium non habentium matrimonia prohibentur.

XXVII. Reservatur Episcopo ablutio eorum, qui ante matrimonii celebrationem fornicatione sese polluerant.

XXVIII. Sancitur, ut Parochus omnes matrimonium ineuntes in sua Ecclesia conjungat, nisi aliter Episcopus permiserit.

XXIX. Denique statuitur, ut contra Concubinarios legitime admonitos si concubinas non ejecerint, abducentur.

rintque se omnino ab earum consuetu- Sæcul. XVI.
A.C. 1569.
dine, Episcopus, etiam Tridentini Con-
cillii auctoritate, tam excommunicatio-
ne, quam aliis præterea pænis, severe
agat.

§. CIII.

*De iis, quæ ad Missam, divina offi-
cia, Ecclesiæ cultum, Et ad Ecclesia-
sticos spectant.*

Alter titulus de Missa, Divinis offi- Labb. p. 349.
ciis, aliisque ad Ecclesiasticos spe-
stantibus agit, ac triginta sex decreta
complectitur, quorum primo decerni-
tur, ne alienæ Diæcesis Clerici absque
commendatitiis literis ab ullo Episcopo
recipiantur.

II. Præcipitur, ut Missas celebra-
di facultas sexto quoque Mense ex Su-
perioris concillii decreto renovetur.

III. Prohibentur omnes Sacerdotes,
ne in Monialium Ecclesiis, ac ne in iis
quidem, quæ Episcopi curæ subjectæ
non sunt, etiamsi illis ubique celebra-
di facultas generatim, nisi a Sede A-
postolica eis data esset, Missæ sacrum
facere audeant, præterquam cui nomi-
natim id ad Episcopo concessum est.

IV. Ab Ordinis sui munere suspen-
duntur Canonici, si præscripto tempo-
re